



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

31 MAC 2021 (RABU)



KERATAN AKHBAR DAN MEDIA ONLINE (KPDNHEP)

31 MAC 2021 (RABU)

Serbu kilang cetak logo tiruan didalangi warga Bangladesh

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) menyerbu dua kilang di Cheras disyaki didalangi warga Bangladesh yang mencetak logo jenama tiruan pada pakaian, kelmarin.

Pengarah KPDNHEP Kuala Lumpur, Ariffin Samsudin, berkata dalam serbuan sekitar jam 10 pagi, pihaknya merampas 121 acuan mencetak logo jenama terkenal, 4,630 helai pakaian dan satu set komputer dengan nilai sitaan keseluruhan dianggarkan

lebih RM100,000.

Beliau berkata, siasatan mendapati kedua-dua kilang yang beroperasi lebih setahun itu menjadi pusat mencetak logo tiruan pada pakaian sebelum dijual kepada pemborong sekitar Lembah Klang dan diedarkan bagi pasaran seluruh negara.

"Serbuan dibuat hasil risikan selama sebulan bermula daripada maklumat pada Februari lalu.

"Seorang lelaki warga tempatan berusia 65 tahun dipercayai pemilik kedua-dua premis ini di-

tahan untuk diambil keterangan.

"Siasatan mendapati perniagaan ini dimiliki warga Bangladesh, susulan stok bekalan dan rangkaian pekerja juga dari negara sama," katanya pada sidang media di Stor Eksibit KPDNHEP Kuala Lumpur, semalam.

Ariffin berkata, hasil serbuan itu, pihaknya berjaya menumpaskan rangkaian utama sindiket pakaian berjenama tiruan dalam negara dan kes disiasat mengikut Akta Cap Dagangan 2019.

BERNAMA



Ariffin (dua dari kanan) menunjukkan rampasan Operasi Bersepadu Barang Tiruan di Stor Eksibit KPDNHEP Kuala Lumpur, semalam. (Foto BERNAMA)





ARIFFIN (dua dari kanan) menunjukkan barangan rampasan.

2 kilang cetak logo **ciplak**

Sindiket terbongkar hasil risikan selama sebulan, pemilik ditahan, 121 acuan dirampas

Oleh Nurul Hidayah Bahaudin
nurul.hidayah@hmetro.com.my

Kuala Lumpur

Kegiatan satu sindiket mencetak logo jenama terkenal pada kemeja-T secara haram yang didalangi warga asing terbongkar dalam serbuan berasingan di dua kilang di Cheras, dekat sini, kelmarin.

Pengarah Kementerian Perdagangan Dalam Negeri dan Hal Ehwal Pengguna

(KPDNHEP) Kuala Lumpur Ariffin Samsudin berkata, serbuan itu dilakukan hasil risikan selama sebulan di dua kilang berkenaan yang dipercayai menjalankan kegiatan berkenaan sejak setahun lalu.

"Dalam serbuan itu, kami merampas 121 acuan yang digunakan bagi mencetak logo jenama terkenal pada kemeja-T, 4,630 pakaian dan satu set komputer dianggarkan bernilai RM100,000.

"Kami menahan seorang lelaki tempatan yang juga pemilik kedua-dua kilang berkenaan bagi membantu

siasatan," katanya pada sidang media di Stor Eksibit KPDNHEP Kuala Lumpur di sini, semalam.

Ariffin berkata, siasatan lanjut mendapati pakaian yang dicetak dijual kepada pemborong utama di sekitar Lembah Klang sebelum diedar di seluruh negara dengan harga serendah RM5 setiap satu.

"Setiap tempahan akan diterima oleh kilang berkenaan sebelum cetakan dibuat dengan kuantiti yang banyak untuk diedarkan kepada pemborong.

"Siasatan mendapati ke-

giatan ini didalangi individu warga Bangladesh yang menggunakan kilang berkenaan sebagai pusat operasi.

"Kebanyakan perniagaan bagi aktiviti ini didalangi oleh warga asing memandangkan mereka memperoleh bekalan pakaian dari luar negara," katanya yang memaklumkan kes disiasat mengikut Akta Cap Dagangan 2019.

Katanya, sebanyak 23 kes dihasilkan pihaknya mengikut Akta Cap Dagangan 2019 membabitkan rampasan bernilai RM3.51 juta bagi tempoh Januari lalu sehingga kelmarin.

"Kami akan terus membantaras aktiviti penjualan barang tiruan dalam usaha melindungi hak serta cap dagangan di negara ini.

"Kami memberi amaran dan peringatan kepada mana-mana pihak supaya tidak melanggar undang-undang khususnya membabitkan penjualan serta pengedaran barangan tiruan," katanya.

Kilang cetak logo jenama tiruan diserbu

Beroperasi sejak setahun lalu dan didalangi warga Bangladesh

Oleh MUHAMMAD AFHAM RAMLI

KUALA LUMPUR

Dua premis kilang disyaki didalangi warga Bangladesh yang mencetak logo jenama tiruan pada pakaian diserbu Kementerian Perdagangan Dalam Negeri dan Hal Ehwal Pengguna (KPDNHEP) pada Isnin.

Pengarah KPDNHEP Kuala Lumpur, Ariffin Samsudin berkata, serbuan kira-kira jam 10 pagi itu merampas 121 acuan (*mould*) yang digunakan bagi mencetak logo jenama popular, 4,630 helai pakaian dan satu set komputer dengan nilai keseluruhan dianggarkan berjumlah RM100,000.

Menurutnya, operasi hasil risikan selama satu bulan itu percaya pakaian yang telah dicetak akan dijual kepada pemborong utama di sekitar Lembah



Ariffin (kanan) menunjukkan antara barangan yang dirampas dalam serbuan di dua kilang di Kuala Lumpur pada Isnin.

Klang sebelum diedar di seluruh negara.

“Setiap tempahan ini akan diterima kilang berkenaan sebelum cetakan dibuat dengan kuantiti yang besar.

“Siasatan mendapati kilang percetakan ini telah beroperasi lebih satu tahun lalu dengan didalangi suspek warga Bangladesh,” katanya dalam sidang akhbar di Stor Eksibit KPDNHEP Kuala Lumpur di sini pada Selasa.

Ariffin berkata, pihaknya bertindak menahan pemilik kilang terbabit berusia 62 tahun yang merupakan warga tempatan untuk tindakan lanjut.

Katanya, KPDNHEP Kuala Lumpur berjaya menumpaskan satu rangkaian utama sindiket barang tiruan.

“Kes disiasat di bawah Akta Cap Dagangan 2019,” katanya.

Dalam perkembangan lain, statistik tahun ini merekodkan 23 kes di bawah Akta Cap Dagangan dengan nilai rampasan mencecah RM3.51 juta.

KPDNHEP Kuala Lumpur akan terus membanteras kegiatan penjualan barang tiruan dalam usaha melindungi hak serta cap dagangan di negara ini. Mana-mana individu diingatkan supaya tidak terlibat dalam kegiatan haram ini.

2 factories printing fake branded clothes raided

KUALA LUMPUR: The Domestic Trade and Consumer Affairs Ministry raided two factories in Cheras, which were used as a printing centre for counterfeit branded clothes, on Monday. The ministry's Kuala Lumpur director, Ariffin Samsudin, said the raid, which was conducted following a month of intelligence work, crippled syndicates selling counterfeit goods. He said in the 10am raid, 121 logo moulds of various brands, 4,630 clothes and a computer set worth RM100,000 were seized from the two premises. Investigations showed that the two factories, which had been operating for more than a year, became the printing centre for counterfeit branded clothes, which were sold to wholesalers around the Klang Valley and other markets nationwide, he added. **Bernama**

HARI : RABU

TARIKH : 31/3/2021

M/SURAT : 16

Senarai Harga Barang Keperluan	
• Ayam	RM5.99
• Daging Lembu Tempatan	RM34
• Daging Lembu Import	RM21
• Telur Gred A	RM8.20
• Ikan Kembung	RM10.90
• Minyak Masak	RM5.40
• Gula Pasir	RM2.85
• Bawang Besar Holland	RM 2.89
• Bawang Putih	RM4.99
• Cili Merah	RM5.99
• Kubis Tempatan	RM2.50
• Tepung Gandum	RM2.15

*Harga (RM/kg) Sumber: KPDNHEP



KERATAN AKHBAR DAN MEDIA ONLINE (AGENSI KPDNHEP)

31 MAC 2021 (RABU)

Pelanjutan beri manfaat kepada 330,000 peniaga

Putrajaya: Pengecualian kompaun atas kelewatan memperbaharui pendaftaran perniagaan dan kelewatan mendaftarkan perniagaan baharu di bawah Akta Pendaftaran Perniagaan 1956 dilanjutkan sehingga 31 Disember hadapan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, pelanjutan inisiatif pengecualian kompaun itu dijangka memberi penjimatan sebanyak RM13.7 juta yang dapat dimanfaatkan oleh lebih 330,000 komuniti peniaga dalam mengharungi cabaran pemulihan ekonomi.

Inisiatif itu adalah lanjutan daripada pelaksanaan pengecualian kompaun atas kelewatan memperbaharui perakuan pendaftaran perniagaan yang dilaksanakan pada 17 Mac 2020 hingga 31 Disember 2020 sebelum di-

lanjutkan sehingga 30 Jun 2021.

"Manakala bagi kelewatan mendaftarkan perniagaan baharu pula diperkenalkan pada 1 Januari 2021 dan sepatutnya berakhir pada 30 Jun 2021.

"Pengecualian kompaun itu bertujuan membantu komuniti perniagaan yang terkesan semasa Perintah Kawalan Pergerakan (PKP) apabila ramai peniaga dan bakal peniaga terutamanya yang di luar bandar tidak dapat memperbaharui perakuan pendaftaran perniagaan atau lewat mendaftarkan perniagaan baharu, sekaligus menyebabkan mereka dikenakan kompaun," katanya, semalam.

Nanta berkata, pelanjutan itu adalah bagi menyokong agenda Program Strategik Memperkasa Rakyat dan Ekonomi (Pemerksa) melalui Suruhanjaya Syarikat Malaysia (SSM). - Bernama

Tidak kena kompaun lewat perbaharui daftar niaga

PUTRAJAYA – Inisiatif pengecualian kompaun atas kelewatan memperbaharui pendaftaran perniagaan dan kelewatan mendaftarkan perniagaan baharu di bawah Akta Pendaftaran Perniagaan 1956 akan dilanjutkan sehingga 31 Disember depan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, inisiatif itu dilaksanakan bagi menyokong Program

Strategik Memperkasa Rakyat dan Ekonomi (Pemerksa).

Tambahnya, pelanjutan inisiatif pengecualian kompaun itu dijangka dapat memberi penjimatan sebanyak RM13.7 juta untuk dimanfaatkan oleh lebih 330,000 komuniti peniaga dalam mengharungi cabaran pemulihan ekonomi.

"Kementerian melalui Suruhanjaya Syarikat amat berbesar hati untuk melanjutkan kedua-

dua inisiatif tersebut sehingga 31 Disember depan," katanya menerusi kenyataan akhbar semalam.

Alexander berkata, pengecualian kompaun itu diperkenalkan untuk membantu komuniti perniagaan yang terkesan semasa Perintah Kawalan Pergerakan (PKP).

"Ramai peniaga dan bakal peniaga terutamanya yang berada di luar bandar tidak dapat

memperbaharui perakuan pendaftaran perniagaan atau lewat mendaftarkan perniagaan baharu yang akan menyebabkan mereka dikenakan kompaun.

"Pelaksanaan inisiatif ini dapat membantu komuniti perniagaan meneruskan perniagaan dan menggalakkan lebih ramai bakal peniaga menceburi bidang perniagaan bagi merancakkan pertumbuhan sektor ekonomi domestik di Malaysia yang terke-

san akibat pandemik Covid-19," katanya.

Sebelum ini, inisiatif tersebut dilaksanakan sejak 17 Mac hingga 31 Disember tahun lalu berikutan PKP sebelum dilanjutkan lagi pada tahun ini sehingga 30 Jun depan.

Untuk maklumat lanjut, orang ramai boleh menghubungi Pusat Panggilan SSM di talian **03 7721 4000** atau e-mel kepada enquiry@ssm.com.my.

Deadline extended for businesses

PUTRAJAYA: The compound exemption for a delay in registering new businesses as well as for renewing business registrations under the Business Registration Act 1956 has been extended to Dec 31.

Domestic Trade and Consumer Affairs Minister Datuk Seri Alexander Nanta Linggi, in announcing this, said the compound exemption amounting to RM13.7mil is expected to benefit more than 330,000 business owners.

This is an extension of the compound exemption for a delay in renewing business registration implemented on March 17, 2020 to Dec 31, 2020, before it was extended until June 30, while for the delay in registering new businesses is until June 30, he said.

"The compound exemption is aimed at helping business owners who are affected by the movement control order," he said yesterday.
— Bernama